

5. Angajoqqaat qinnuigineqarput meeraq arlaatigut sapigaqassappat soorlu; nerisassat, qaqorsaait il. il. sulisunut nalunaaruteqaqqul-lugit.
6. Meeraq ulluinnarni pinngussanik nassassappat tamanna angajoqqaat akisussaaffigaat.
7. Meeraateqarfimmut atortunik ulorianartunik nassartoqanginnissaa piumasaraarput. Soorlu makkuninnga: ukusartut, ikittartut il.il Mamakujuit ullorsiornernut naggataarnernut taamaallaat akuerine-qarsinnaapput.
8. Meeqqanik aallertut qinnuigaagut inersuarmut appakaatsinnatik kamippatik peertassagaat, meeraaqat inersuarmi paarngettarmata. Ilanngullugu paasitineqartarusuppugut, kia meeraq aassaneraa.
9. Eqqaamallugu meeraq meeraateqarfimmiikkunaassappat meeqqeviit allaffeqarfianut nalunaarutigineqartussaammat, qaammat ataaseq sioqqullugu.
Meeqqaat ornittakkanut Naasoq/Sikkersoq –mulluunniit allatsissinnaapput, tallimanik ukioqalereeraangamik.

Ukiup ingerlanerani inikkaarlutik aammalu ataatsimoorlutik angajoqqaat ataatsimiitineqartarput, aamma meeraq pillugu ataasiakkaarisooqartarluni. Tamakku saniatigut angajoqqaat kissaatigippassuk immikkut ittumik ataatsimiinnissaq, tamanna ammaffigaarput, neriuppugullu angajoqqaat atorluartarumaaraat.

Ukiut tamaasa ininiit, sulisoq ataaseq nikittarpoq, meeqqat anginerit nuut-tussat nassataralugit. Sulisut paarlakaajaattarput nikittarnerni.

Atuisutut naammagittaalliuteqassagussi, allaganngorlugu meeraateqarfimmi pisortamut tunniunneqassaaq.

Tikilluaritsi Naalumut



Atuisunut paasisutissat

Nal.: 11.00 missaanni ullup qeqqasioorneq, nerisassat kissartut, tiggaliat. Isaarissami takuneqarsinnaapput, sapaatip akunneranut nerisassaasut pilersaarutaat.

Nerereeraagamik kigutitik salittarpaat (angajoqqaat meeqqamik kingutaat eqqerlugit salinnissaat akisussaaffigaat) ermereeraangamik kingorna tamarmik qasuersaartarput. Meeqqap pisariaqartitai pingaartippagut qasuersaarnemi makku anguneqartarmata: nukissaqarneq ilikkarusussusermut, eqqissisimasumik pissuseqarneq, nalinginnaasumillu nammineersinnaanermut piunassuseqalerneq, timikkut eqqarsartaatsimikkullu.

Nal.: 14.00 ualikkorsiorneq, tiggaaraasat, naatitat, nunatta oissarititai, assigiinngitsullu, perusersartarfimmeereeraangamillu pinnguartinneqarlutik sammisaqarlutik, inersuarimiillutik aneerlutillunniit

Naalu nal: 17.00 matusarpoq.

Maleruagassat sulisuniit atuisunut maleruagqusaat:

1. Sammisaqartitsiniarnerup, iganissallu aaliagersarneqarnissaat, sillimaniarnerlu pillugit, meeqqat meeraateqarfimmeereertassapput kingusinnerpaamik nal.: 9.30, meeraq kingusinnerusukkat aggis-sappat nalunaarutigineqassaaq.
2. Meeraq napparsimasoq meeraateqarfimmeeqqusaangilaq, meeraq sivilunerusumik peqanngissappat nalunaarutigineqassaaq. Meeraq meeraateqarfimmiilluni napparsimalissagaluarpat ingerlaannartumik angajoqqaat nalunaarfigineqartarput, taamaattumik pingaartipparput angajoqqaat suliffiisa oqarasuaataasa normui piginissaat.
3. Meeraq atisassamaatissaanik nassartassaaq, ass.: quisoortaruni.
4. Meeqqat silap qanoq inneranut tulluurtunik atisaqartinneqartassap-put.

Eqqaamallugu:

Meeqqat atisaat atiinik nalunaaqutsersimassammata.

Siullermik tikilluaritsi Naalu-mut

Najugaqarfik: Falip aqquserna 5
Oqarasuaat: 86 45 53 fax: 86 35 53
E-mail: sisnaalu@greenet.gl

Naalu-p ammasarfii: ataasinngornermiit tallimanngornermut, nalunaaqu-taq: 7:00-17:00

Arfininngornermi sapaatini nalliuttunilu matoqqasarpoq.

Meeraateqarfik 56-nut inissaateqarpoq, ukioqanngitsuniit atualertussanut. Ukioqanngitsuniit pingasunik ukiulinnut inissat 24-put.

Pingasunniit arfinilinnut ukiulinnut inissat 32-it.

Init sisamaapput meeqqallu ukiui malillugit agguataaqqallutik.

Inini sulisut: perorsaasoq, meeqqanik ikiorti, ikiorti aammalu inini innor-luutilinni tapersorteqarluni.

Init avataatigut allat: pisortaq, eqqiaasoq, igaffimmioq, igaffimmilu ullup affaanut ikiorti.

Ulluinnarni pisartut:

Nal.: 7:00 ammarneraniit meeqqat takkuttut tikilluaqquneqartarput, anger-larsimaffimminni meeqqat nerereersimassapput meeqqerivimmi ullaak-korsiorneq ajormata. Naatitanik, kiks-ikujunnik tumernguersaateqarluni.

Nal.: 9.30 meeqqat sulisutik ilagalugit iniminnut isaasarput, assigiinngit-sunillu sammisaqartinneqartarlutik.

Nalimmassarluta illup iluani tamani aallartinnikuuvugut, meeqqat suli atualinngitsunut perorsaanikkut inerikkiartuutaasunik ulluunerani neqe-rooruteqartarneq pillugu Inatsisartut peqqussutaat nr. 10, 5.december 2008-meersoq malillugu misileraalereerluta.

Sammineqarsinnaasarput: atuakkanik atorniartarfiliarlutik, suliffeqarfin-nut pulaarlutik, nunamut katersuiartorlutik, illoqarfik ilinniarlugu, allar-passuillu.